

S. (146) (6)
6/1

repeat
lines
page

pp. 1-3

copy

Famine of Peete.

S. 31

received 10/38.

K 31/1.

K 31/1 1/3 J. Thadie

1. Tsena ke lipampiri tse boeleng tsa tlala
ha e patetse. Mosali moholo enoa oa haeso
o bolela tsena. O re ba kile ba phela ha-
bohloko ke baka la tlala. O re batho ba
ne ba phela ka lilopi e le tsietsi e
tsabehang ea tlala. Batho ba phela ha-
bohloko motho a robala a itosa o re
batho ba ne ba geta liveke ba sa je,
ka baka la tlala eo, batho ba sareloa ba
ota ba omella ke ho hloka lijo ka maleng
batho ba bangata ba eshoa ke tlala e se
lefu. Oa horeng a tsamaea ka ho ea batla
lijo moo a ka li fumana a fihla motseng
o mong a fumana batho ba hela joang
ba entse ligubu e le mangata a matorana.
A botsa motho oa tlala Helang! batho ba
heso le etsang ka joang boo bo bongata
hakakale, ba mo arabela ba re, ke lijo.
A re molato keng ha le e-ja joang le
sa je lijo hona le bo ja ka mokhoa o
joang ha e le lijo tsa liphoofolo, ba re
rea lapa ke ka hoo re jang joang bona.
A re le na haeso ke tlala empa ha re
eso ho je joang, batho ba baholo le ba
banyenyane ba shoelle ke eona tlala koana
haeso. Ba re ho eena na ua bo tseba
joang boo? A re ke ea bo tseba empa
ha ke tsebe hore na lebitso la bona keng.
Ba re lebitso la joang bona ke Moseka
joang bona, bo na le peonyane tse nye-
nyane tse kalo ka tsa joang bo melang
masimong bo bitsoang lehola. Joale ke
Moseka ona ha o poloa ho batloa li-
thupa tse ntle tsa ho pola tse bitsoang
mare. Hoa binoa ha ho poloa joang
bona bo bitsoang Moseka. Pina ke ena
- 2.

Ateteletsane mabele a Balimo joale ha ho fetoloe ke hore litlhaku tse potoang li be ngata. O re motho ha a thola tlhaku ea poone kapa lipeli o tla li nka, ha a fihla hae e be oa e halika o ja e 'ngoe a fe ngoana e 'ngoe. Ita e thotsoe ke mosali kapa monna, e mong a fe e mong. Leha batho ba ne ba phela ka thata ka joang boo ba moseka bo nong bo heloa hole-hole le metse, ba ne ba bo fumana ka thata ba bang ba sale hona mosekeng moo.

3. Taba-taba joale ke batho ba bang ba seng ba sa lule le batho ba bang ba lulang har'a meru e tsabehang likhohlong, liphu-leng har'a meforo ba jang batho ba bang. Batho bana ba ne ba bitsoa malimo ke ~~hore~~ batho ba jang batho ba bang. O re motho ha a ne a nkiloa ke malimo ka ha a ne a le mangata haholo, o na a beoloe hlohong ke hore a tlosoe moriri o hlohong kaofela ha ona. Koba moriri o tlosoe ho nkuoa thipa e bohale o seoa hlohong hore mali a tsoe. O fositsoe hore a se ke a tseba ho 'na a rahaka ho nkiloa lengetana le leholo mali a tsoele ka teng joale mali ana a bitsoa bobete. Ke ona a jeoang pele motho a bolaoa joale o re oho ka 'nete ka baka la tlala malimo a eba mangata haholo a tsabeha ka mokhoa o makatsang. O re lelimo le le leng le ne le hlola batho ba bangata ka baka la ho tsabeha ha lona. O re a ne a lalla batho litsele, a ba ts'ara 'me a e-ea le bona mahahenga 'ona a tsabehang ho ba jela teng. O re har'a malimo ho no ho tumile haholo a Bekhalla

4. bo Rakotsoane le Mosoansoanyane. O re ba ne ba lula moo ho thoeng ke Malimong, o re a mang a tumileng ke Mokhitli oa Mara-beng; ke Motlejoa oa Ha Maieane. Batho ba eshoa ke tlala ba tsaba ho ea hole ho ea batla lijo moo ba ka li fumarang ka baka la malimo hobane malimo a ne a lalla batho litšeling malimo ona a ne a sa rate nama ea liphoofole ea likhomo ba ipatlala ho ja nama ea batho feela.
5. Ke utloile tsokle joale ke fumane tabeng ea mosali moholo pela tlala o re tseo ke tseo a li boneng ka mahlo ha ho busa morena Peete ntata Mokhachane ea neng a ahile Meribeng naheng ea Lesotho. O re tlala eo e bile tlala ea ngoaha tse'ne.

end s 146.